

**1367**

Temeljem članka 9. stavak (7) Zakona o kontroli kretanja oružja i vojne opreme ("Službeni glasnik BiH", br. 53/09 i 22/16), na prijedlog Ministarstva unutrašnjih poslova Republike Srpske, Federalnog ministarstva unutrašnjih poslova BiH, Policije Brčko distrikta Bosne i Hercegovine, kantonalnih ministarstava unutrašnjih poslova, ministar sigurnosti donosi

**INSTRUKCIJU****O POSEBNIM MJERAMA SIGURNOSTI PRILIKOM KRETANJA ORUŽJA I VOJNE OPREME****I - OSNOVNE ODREDBE**

## Članak 1.

(Predmet Instrukcije)

Ovom Instrukcijom utvrđuju se posebne mjere sigurnosti koje Ministarstvo sigurnosti Bosne i Hercegovine (u daljnjem tekstu: Ministarstvo) i tijela mjerodavna za izdavanje odobrenja, određuju u rješenju o odobrenju prijevoza oružja i vojne opreme u cestovnom i željezničkom saobraćaju (u daljnjem tekstu: rješenje), uvjeti za njihovo određivanje i način postupanja policijskih službenika za vrijeme prijevoza oružja i vojne opreme (u daljnjem tekstu: naoružanja).

## Članak 2.

(Definicija)

Naoružanjem u smislu ove Instrukcije smatra se oružje, municija, dijelovi oružja i municije, vojna oprema, instrumenti, uređaji i sredstva sa Liste naoružanja i vojne opreme za čije kretanje je potrebno odobrenje, a koju donosi Ministarstvo sigurnosti.

## Članak 3.

(Izrazi)

Pojedini izrazi upotrijebljeni u ovoj Instrukciji imaju isto značenje kao i izrazi propisani u članku 3. Zakona o kontroli kretanja oružja i vojne opreme.

**II - POSEBNE MJERE SIGURNOSTI**

## Članak 4.

(Uvjeti za određivanje posebnih mjera)

- (1) Ministarstvo i tijela mjerodavna za izdavanje rješenja (u daljnjem tekstu: tijelo mjerodavno za izdavanje rješenja), u rješenju mogu podnositelju zahtjeva odrediti jednu ili više posebnih mjera sigurnosti u zavisnosti od:
  - a) procjene sigurnosne situacije;
  - b) vrste naoružanja;
  - c) osjetljivosti na vanjske utjecaje (toplotne, mehaničke, eksplozivne i električne impulse) i razorne moći;
  - d) količine naoružanja;
  - e) vrste prijevoznog sredstva;
  - f) opasnosti koja može nastupiti usljed rasipanja tereta ili nezgode;
  - g) sigurnosti određenog putnog pravca;
  - h) utjecaja vremenskog faktora na sigurnost (vremenske prilike, doba dana, elementarne nepogode i dr.) i drugih uvjeta od značaja za sigurnost u cestovnom i željezničkom saobraćaju.

## Članak 5.

(Posebne mjere)

- (1) Posebne mjere sigurnosti u smislu članka 4. ove Instrukcije su:
  - a) određivanje obaveznog pravca kretanja;
  - b) tehnička pratnja ili pratnja stručne osobe osposobljene za rukovanje naoružanjem;
  - c) neprekidno trajanje prijevoza bez zaustavljanja;

- d) određivanje vremena polaska vozila i vremenskog termina za kretanje vozila na određenim dijelovima puta;
- e) određivanje policijske pratnje;
- f) ograničenje prijevoza zbog vremenskih uvjeta.

## Članak 6.

(Poduzimanje mjera)

- (1) Tijelo mjerodavno za izdavanje rješenja za kretanje naoružanja, u rješenju može narediti da se više mjera iz članka 5. ove Instrukcije poduzme istovremeno.
- (2) Izuzetno, tijelo mjerodavno za izdavanje rješenja za kretanje naoružanja može uz najavu kretanja naoružanja naložiti neku od mjera iz člana 5. ove Instrukcije, ukoliko su okolnosti koje utiču na sigurnost kretanja oružja nastupile naknadno, nakon izdavanja rješenja za kretanje naoružanja, odnosno ako te okolnosti nisu bile poznate u trenutku izdavanja rješenja za kretanje naoružanja.

**III - PRIJEVOZ NAORUŽANJA U CESTOVNOM PROMETU**

## Članak 7.

(Mjera određivanja obaveznog pravca kretanja)

Podnosiocu zahtjeva se u pravilu odobrava kretanje na pravcu koji je naveden u zahtjevu.

Izuzetno, kada to razlozi sigurnosti nalažu ili kada uvjeti na pravcu navedenom u zahtjevu ne garantiraju siguran prijevoz, nalaže se mjera obaveznog kretanja putnim pravcem koji odredi tijelo mjerodavno za izdavanje rješenja za kretanje naoružanja.

## Članak 8.

(Mjera tehnička pratnja ili pratnja stručnog lica osposobljenog za rukovanje naoružanjem)

Mjera tehničke pratnje ili pratnje stručne osobe osposobljene za rukovanje naoružanjem koje se prijevozi, određuje se u slučajevima kada se prijevoz vrši u koloni sa tri ili više vozila ili kada to drugi razlozi sigurnosti nalažu.

## Članak 9.

(Mjera neprekidno trajanje prijevoza bez zaustavljanja)

Mjera neprekidnog trajanja prijevoza bez zaustavljanja može se odrediti ako razdaljina između pošiljaoca i primaoca nije duža od 200 km ili kad to posebni razlozi sigurnosti nalažu.

## Članak 10.

(Mjera određivanje vremena polaska vozila i vremenskog termina za kretanje vozila na određenim dijelovima ceste)

Mjera određivanja vremena polaska vozila i vremenskog termina za kretanje vozila na određenim dijelovima ceste može se odrediti u slučajevima kad sigurnosni i drugi razlozi nalažu da se transport na određenom području obavlja u vrijeme kada je promet manjeg intenziteta ili kada se može najlakše osigurati transport.

## Članak 11.

(Mjera policijske pratnje)

- (1) Mjera policijske pratnje određuje se kad se u koloni kreće tri ili više vozila, kojima se vrši prijevoz naoružanja ili u slučajevima kad se prevozi naročito osjetljivo naoružanje, bez obzira na broj vozila, ili kada to posebni sigurnosni razlozi zahtijevaju.
- (2) Pratnja službenim policijskim vozilom vrši se tako da je službeno policijsko vozilo ispred vozila ili kolone vozila kojim se vrši prijevoz naoružanja, sa uključenim uređajem za davanje svjetlosnih znakova upozorenja, a po potrebi i zvučnih signala i znakova iz vozila. Pripadnici policije, određeni za pratnju, dužni su da se prije otpočinjanja prijevoza odnosno prilikom preuzimanja transporta, dogovore sa posadama vozila kojim se vrši prijevoz naoružanja, o načinu i režimu kretanja, o sigurnom

odstojanju vozila u koloni, o načinu međusobnog obavještanja, o nastalim promjenama u toku prijevoza i drugo. Pripadnici policije dužni su vršiti kontrolu stanja tereta, koji se prati od strane policijskih službenika po procjeni i potrebi, u zavisnosti od vremenskih uslova, količine tereta, stanja puta i drugo. Provjera stanja transporta vrši se zaustavljanjem vozila na sigurnim mjestima na putu (proširenja i sl.), izvan naselja.

#### Članak 12.

(Mjera ograničenja prijevoza zbog vremenskih uvjeta)

Mjera ograničenja prijevoza zbog vremenskih uvjeta može se odrediti u slučaju nepovoljnih vremenskih uvjeta.

#### Članak 13.

(Troškovi prijevoza)

Sve troškove nastale provedbom posebnih sigurnosnih mjera snosi podnositelj zahtjeva za izdavanje odobrenja za kretanje naoružanja.

#### Članak 14.

(Obveze mjerodavnih policijskih tijela)

Mjerodavna policijska tijela ministarstava unutarnjih poslova i policije Brčko distrikta BiH, postupaju sukladno naloženim posebnim mjerama propisanih rješenjem. Mjerodavna policijska tijela na čijem području se nalazi krajnje odredište izvještava tijelo koji je rješenjem za kretanje odredio poduzimanje posebnih mjera o završetku prijevoza. Ukoliko se radi o kretanju naoružanja preko državne granice, krajnjim odredištem se smatra nadležno tijelo na čijem se području nalazi granični prijelaz.

#### Članak 15.

(Osiguranje mjesta događaja)

U slučaju prometne nezgode u kojoj je učestvovalo vozilo koje prevozi naoružanje, mjesno mjerodavno policijsko tijelo osigurava lice mjesta i teret i poduzima druge neophodne mjere do uspostavljanja daljnjeg prijevoza.

#### Članak 16.

(Osiguranje zamjenskog vozila)

- (1) Ako se vozilom, koje je učestvovalo u prometnoj nezgodi, ne može nastaviti transport, mjerodavno policijsko tijelo će o tome obavijestiti podnosioca zahtjeva, u cilju osiguranja odgovarajućeg vozila kojim će se transport nastaviti.
- (2) U slučaju iz stavka (1) ovog članka, podnosilac zahtjeva dužan je u najkraćem mogućem roku osigurati zamjensko vozilo kojim će se transport nastaviti.

#### Članak 17.

(Neovlašteno otvaranje, krađa ili nestanak vozila ili tereta)

Ako u toku transporta dođe do neovlaštenog otvaranja vozila, krađe ili nestanka prijevoznih sredstava ili dijela tereta, mjerodavno policijsko tijelo koji je zaprimio prijavu odmah obavještava tijelo koje je izdalo rješenje i preduzima mjere na pronalasku izvršioca i otuđenih sredstava.

### **IV - PRIJEVOZ NAORUŽANJA U ŽELJEZNIČKOM PROMETU**

#### Članak 18.

(Osiguranje pošiljke)

Podnosilac zahtjeva je obavezan izvršiti potrebne mjere i radnje na sigurnosti pošiljke u svim slučajevima kada se vrši prijevoz naoružanja.

#### Članak 19.

(Mjera tehničke pratnje ili pratnje stručne osobe)

Mjera tehničke pratnje ili pratnje stručne osobe osposobljene za rukovanje naoružanjem koje se prijevozi, određuje se u svim slučajevima ako se prijevoz naoružanja vrši sa više od 10 vagona. Ova mjera može biti naredena i u slučajevima

kad se vrši prijevoz naoružanja i sa manje od 10 vagona, ako se radi o izuzetno osjetljivom naoružanju ili to drugi sigurnosni razlozi nalažu.

#### Članak 20.

(Mjera određivanja policijske pratnje)

Mjera određivanja policijske pratnje određuje se ako se prijevoz vrši sa više od 10 vagona, a ne postoji drugi način da se taj transport potpuno osigurava cijelim tijekom puta. Policijski službenici vrše pratnju pod uvjetom da podnositelj zahtjeva osigura jedan putnički vagon u kojem će se oni nalaziti za vrijeme prijevoza. Ukoliko nisu ispunjeni uvjeti iz ove točke, transport naoružanja se neće izvršiti. Policijski službenik će o tome sastaviti službenu pribilješku i dostaviti tijelu koji je naložio posebne mjere.

#### Članak 21.

(Mjera određivanja vremena polaska)

Kretanje željezničke kompozicije u određeno vrijeme na određenoj relaciji kretanja, obvezno se određuje kada to sigurnosni razlozi nalažu.

#### Članak 22.

(Najava kretanja)

Mjerodavno tijelo koje je izdalo rješenje za prijevoz naoružanja željeznicom će obavijestiti mjerodavno policijsko tijelo kroz čije područje se vrši transport, o vrsti naoružanja, količini naoružanja, broju vagona, broju vlaka, vremenu polaska, relaciji kretanja i posebnim mjerama sigurnosti.

#### Članak 23.

(Osiguranje mjesta događaja)

U slučaju nepredviđenih događaja, policijski službenici koji se nađu na licu mjesta, osigurat će lice mjesta i neće dozvoliti neovlaštenim osobama pristup vagonima u kojima se nalazi naoružanje, stupit će u kontakt sa osobljem za pratnju vlaka i pružiti im pomoć u preduzimanju mjera sigurnosti do nastavka transporta.

#### Članak 24.

(Obavijest o nepredviđenom događaju)

Mjerodavno policijsko tijelo, odmah nakon saznanja za nepredviđeni događaj, na lice mjesta upućuje stručnu ekipu i o tome obavještava podnosioca zahtjeva i mjerodavno tijelo koje je izdalo rješenje, a po potrebi angažuje hitnu pomoć, vatrogasnu službu i druge stručne službe.

#### Članak 25.

(Postupanje policijskih službenika)

Ako policijski službenik koji vrši pratnju vlaka, kojim se prevozi naoružanje, zapazi bilo kakve promjene, pojave ili slično, zbog kojih bi mogla doći u pitanje sigurnost transporta, o tome će obavijestiti osoblje za pratnju vlaka, odnosno odgovornu osobu na željezničkoj stanici. U slučaju potrebe za pretovarom naoružanja, koji se mora izvršiti sukladno propisima i standardima, pripadnici policije vrše njegovo osiguranje. Nakon završenog pretovara mjerodavno policijsko tijelo će obavijestiti mjerodavno tijelo koje je izdalo rješenje i mjerodavno policijsko tijelo na pravcu kretanja, o daljem tijeku transporta, broju vlaka i vagona kojim se transport nastavlja.

#### Članak 26.

(Neovlašteno otvaranje vagona, krađa ili gubitak tereta)

Ako u tijeku transporta dođe do neovlaštenog otvaranja vagona, krađe ili gubitka tereta, mjerodavno policijsko tijelo koje je zaprimilo prijavu odmah obavještava tijelo koje je izdalo rješenje i preduzima mjere na pronalasku izvršioca i otuđenih sredstava.

## V - OSIGURANJE PRILIKOM PRETOVARA NAORUŽANJA

### Članak 27.

(Pretovar naoružanja)

Pretovar se može vršiti u redovnim i nepredviđenim okolnostima u cestovnom, željezničkom i kombiniranom prijevozu.

### Članak 28.

(Osiguranje pretovara)

Osiguranje pretovara vrši mjerodavno policijsko tijelo na čijem području se isti vrši.

## VI - NADZOR NAD PROVEDBOM POSEBNIH MJERA SIGURNOSTI

### Članak 29.

(Nadzor nad provedbom posebnih mjera)

Nadzor nad provedbom posebnih mjera sigurnosti iz članka 5. ove Instrukcije vrše mjerodavna tijela sukladno Zakonu o kontroli kretanja oružja i vojne opreme.

## VII - ZAVRŠNE ODREDBE

### Članak 30.

(Prestanak važenja ranije Instrukcije)

Stupanjem na snagu ove Instrukcije, prestaje da važi instrukcija o posebnim mjerama sigurnosti prilikom kretanja oružja i vojne opreme ("Službeni glasnik BiH", broj 02/11).

### Članak 31.

(Stupanje na snagu)

Ova instrukcija stupa na snagu danom donošenja i objavit će se u "Službenom glasniku BiH".

Broj 12-04-7-2578-47/16

07. prosinca 2016. godine

Sarajevo

Ministar

**Dragan Mektić, v. r.**

Na osnovu člana 9. stav (7) Zakona o kontroli kretanja oružja i vojne opreme ("Službeni glasnik BiH", br. 53/09 i 22/16), na prijedlog Ministarstva unutrašnjih poslova Republike Srpske, Federalnog ministarstva unutrašnjih poslova BiH, Policije Brčko distrikta Bosne i Hercegovine, kantonalnih ministarstava unutrašnjih poslova, ministar bezbjednosti donosi

## ИНСТРУКЦИЈУ

### О ПОСЕБНИМ МЈЕРАМА БЕЗБЈЕДНОСТИ ПРИЛИКОМ КРЕТАЊА ОРУЖЈА И ВОЈНЕ ОПРЕМЕ

#### I - ОСНОВНЕ ОДРЕДБЕ

##### Члан 1.

(Предмет Инструкције)

Овом Инструкцијом утврђују се посебне мјере безбједности које Министарство безбједности Босне и Херцеговине (у даљем тексту: Министарство) и органи надлежни за издавање одобрења, одређују у рјешењу о одобрењу превоза оружја и војне опреме у друмском и жељезничком саобраћају (у даљем тексту: рјешење), услови за њихово одређивање и начин поступања полицијских службеника за вријеме превоза оружја и војне опреме (у даљем тексту: наоружања).

##### Члан 2.

(Дефиниција)

Наоружањем у смислу ове инструкције сматра се оружје, муниција, дијелови оружја и муниције, војна опрема, инструменти, уређаји и средства са Листе наоружања и војне опреме за чије кретање је потребно одобрење, а коју доноси Министарство безбједности.

##### Члан 3.

(Изрази)

Поједини изрази употријебљени у овој инструкцији имају исто значење као и изрази прописани у члану 3. Закона о контроли кретања оружја и војне опреме.

## II - ПОСЕБНЕ МЈЕРЕ СИГУРНОСТИ

##### Члан 4.

(Услови за одређивање посебних мјера)

- (1) Министарство и органи надлежни за издавање рјешења (у даљем тексту: орган надлежан за издавање рјешења), у рјешењу могу подносиоцу захтјева одредити једну или више посебних мјера безбједности у зависности од:
  - а) процјене сигурносне ситуације;
  - б) врсте наоружања;
  - ц) осјетљивости на спољне утицаје (топлотне, механичке, експлозивне и електричне импулсе) и разорне моћи;
  - д) количине наоружања;
  - е) врсте превозног средства;
  - ф) опасности која може наступити усљед расипања терета или незгоде;
  - г) безбједности одређеног путног правца;
  - х) утицаја временског фактора на безбједност (временске прилике, доба дана, елементарне непогоде и др.) и
  - и) других услова од значаја за безбједност у друмском и жељезничком саобраћају.

##### Члан 5.

(Посебне мјере)

- (1) Посебне мјере безбједности у смислу члана 4. ове инструкције су:
  - а) одређивање обавезног правца кретања;
  - б) техничка пратња или пратња стручног лица оспособљеног за руковање наоружањем;
  - ц) непрекидно трајање превоза без заустављања;
  - д) одређивање времена поласка возила и временског термина за кретање возила на одређеним дијеловима пута;
  - е) одређивање полицијске пратње;
  - ф) ограничење превоза због временских услова.

##### Члан 6.

(Предузимање мјера)

- (1) Орган надлежан за издавање рјешења за кретање наоружања, у рјешењу може наредити да се више мјера из члана 5. ове инструкције предузме истовремено.
- (2) Изузетно, орган надлежан за издавање рјешења за кретање наоружања може уз најаву кретања наоружања наложити неку од мјера из члана 5. ове Инструкције, уколико су околности које утичу на безбједност кретања оружја наступиле накнадно, након издавања рјешења за кретање наоружања, односно, ако те околности нису биле познате у тренутку издавања рјешења за кретање наоружања.

## III - ПРЕВОЗ НАОРУЖАЊА У ДРУМСКОМ САОБРАЋАЈУ

##### Члан 7.

(Мјера одређивања обавезног правца кретања)

Подносиоцу захтјева се у правилу одобрава кретање на правцу који је наведен у захтјеву.

Изузетно, када то разлози безбједности налажу или када услови на правцу наведеном у захтјеву не гарантују сигуран превоз, налаже се мјера обавезног кретања путним правцем који одреди орган надлежан за издавање рјешења за кретање наоружања.